

Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL 1.6.511







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.511





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.511



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.511










1. 6. 511





















Q. D. B. V.  
SPECIMEN INAUGURALE

<sup>Quo</sup>  
**MEDICUS**  
**MONSTROSUS**

<sup>Indultu</sup>  
GRATIOSISSIMÆ FACULTATIS MEDICÆ  
IN ELECTORALI ET ANTIQUISSIMA  
ACADEMIA HEIDELBERGENSI

<sup>Sub</sup>  
**UMBONE**

VIRI GRAVISS. AMPLISS. EXCELLENTISS.  
ATQUE EXPERIENTISS.

**DN. GEORGI FRANCI,**  
MED. AC PHIL. DOCT. ET PROF. P. ORD.  
FAC. DECANI ET ACADEMICI  
CURIOSI

*Patroni ac promotoris sui*  
OMNI OBSERVANTIA COLENDI

<sup>Pro</sup>  
Summis in arte Medica honoribus ac  
Privilegiis Doctoralibus obtinendis proponitur  
cuius Medicæ artis candido Cultori  
examinandus

<sup>à</sup>  
**JEREMIA COTTA** Isnaco-Thuring.

*Ad Diem 7. August. 1677.*

HEIDELBERGÆ,  
Typis, SAMUELIS AMMONII, ACAD. Typogr.



102  
MEDICUS  
MONSTRORUM

ON GEORGE FRANCHI



# GEORGIUS FRANCUS

CLMO VIRO JUVENI

JEREMIÆ COTTÆ

DIGNISSIMO MEDICINÆ CANDIDATO

S. P. D.

**N**on hodie demum aut nudius tertius emanarunt in opti-  
mos etiam Medicos convicia spurci oris hominum, ut mo-  
do cum <sup>a)</sup> multis SERVOS damnent; modo cum Diaulo fa-  
ciant illos <sup>β)</sup> VESPILLONES; modo cum Athenæo <sup>γ)</sup> STULTIS-

simos laudent; modo cum Archagatho exclament <sup>δ)</sup> CARNIFICES! 49. S. 1.  
Nil dicam de fece pessima homulorum <sup>παραγορῶν</sup> seu agyrтарum, <sup>β)</sup> Mar-  
qui mente plane EXSENSA sunt, ut Mævii in Alcest. voce utar; & <sup>tid. l. 1.</sup>

Curvæ in terras animæ, & cœlestium inanes; quos ex <sup>ε)</sup> PER- <sup>Ep. 3 l. 1. &</sup>  
sio apte delinees his coloribus: Qui dicit <sup>48. γ)</sup> A-

*Grande aliquid, quod pulmo animæ prælargus anbelet,*

*Scilicet hæc populo pexque togæ recenti.*

*Et natalitia tandem cum sardonice albus,*

*Sede legens celsa, liquido cum plasmate guttur*

*Mobile colluerit, patransi fractus ocello.*

Cui, juxta Juvenalem, ζ)

\_\_\_\_\_ servi  
Octo, decem Comites, \_\_\_\_\_

\_\_\_\_\_ togati  
Ante pedes \_\_\_\_\_

Isti inquam nugivendi & congerrones maleferiati sunt crumeni-  
sugæ hominum non tam simplicium, quàm stolidorum. Nequam <sup>δ)</sup> Plin. l.  
enim isti prius stultis moribus, vestibis atque actionibus fascinant <sup>19. c. 1.</sup>  
illos, ut dein emtores habeant pessimarum mercium, quæ stento <sup>M. Junius</sup>  
rea voce pro panaceis explanantur & obtruduntur, nullo habito <sup>tom. 1. or.</sup>  
respectu ad sexum, ætatem, temperamentum, vitæ genus aut <sup>3. &</sup>  
morbi causam vel statum. Hujusmodi impostores, quod non solum <sup>Zwinger.</sup>  
pecuniæ hominum, sed vitæ etiam subditorum insidiuntur, in bene <sup>Physiol. l.</sup>  
constituta Rep. non possunt tolerari bona conscientia. Hôs nebu- <sup>I. c. 1.</sup>  
lones, inquam, aliosque medicastrôs, quôs versiculi <sup>ε)</sup> Sat. 1.  
Fingunt se Medicos &c. <sup>vers. 14.</sup>

)( 2

Tan- VII. vers.  
140.

a) Coras.  
n. 6. ad §.  
post Ori-  
ginem 13.  
l. necessa-  
rium ff. de  
Orig. iur.

β) A. Pin-  
to Rami-  
rez spicil.  
sacr. t. 1. c.

γ) Carnifices! 49. S. 1.

δ) Mar-  
tid. l. 1.

ε) Ep. 3 l. 1. &

48. γ) A-  
thenæus  
exceptis  
Medicis,  
nihil Græ-  
maticis  
stultias e-  
stimavit,  
C. Sciopp.  
paradox.

Ep. 3. p. 17

δ) Plin. l.

19. c. 1.

M. Junius

tom. 1. or.

3. &

Zwinger.

Physiol. l.

I. c. 1.

ε) Sat. 1.

vers. 14.

ζ) Sat.



Tangunt, heic non adtendam : Sed istos, qui tot annis in variis A-  
 cademiis elegantissime vestiti strenue potarunt ac amarunt, qui  
 magno cum Promotoris elogio facibus accensis ornantur pileo  
 holoserico, annulo aureo, & proclamantur DOCTORES, testimo-  
 nioque Pergameno muniti dimittuntur in mundi plagas; intus ve-  
 ro quanti quanti sunt, sunt inanes. Qui quando ad ægri lectum per-  
 ventum est, aut sunt magis muti ac piscis, aut blaterant quicquid  
 venit in buccam, securi quid de morbi eventu sperandum sit. Hi,  
 inquam, juxta <sup>η)</sup> Plinium, *discunt periculis nostris, & experimenta per*  
<sup>θ)</sup> *mortes aliorum agunt, illisque hominem occidisse summa est impunitas.*  
 Hos indigitavit divinus <sup>θ)</sup> senex inquiring: *ἡτοι φήμη μὲν πολλοί.*  
<sup>ι.e. Medi-</sup> *ἔγω γ' ἄρχυ βαίει.* Sed quæ hujus pestilitatis causæ? DOCTORES  
<sup>ci nomine</sup> & PROFESSORES in Academiis, qui sumunt pecuniam & mittunt  
<sup>quidem</sup> & asinum in patriam. Hi, inquam, Promotores *φιλοκερδεία*, occæ. ati  
<sup>multi, re</sup> & fallunt misellum Doctorellum, & reliquos homines. Iste etenim  
<sup>autem ad-</sup> sua studia tanti æstimata reputat esse sufficientia: Hi autem non  
<sup>modum</sup> promotum crederent à Tantis Viris, nisi condignum. Averrun-  
<sup>pauca, i)</sup> cet Archiater animarum hujusmodi deliramenta! Tu autem No-  
<sup>e. Molesta</sup> bilissime CANDIDATE COTTA, meliore Conscientia, quos jam  
<sup>est juve-</sup> exambis, adipisceris honores. Tu artis solidioris fundamenta probe  
<sup>nibus ad</sup> jecisti sub Celeberrima Virorum Medicorum Biga. ROLFINCIO  
<sup>gloriam</sup> atque WEDELIO; exornasti demum sub Magno VOLCAMME-  
<sup>via, κ) i.e.</sup> Virtus RŌ sagacissimo Norimbergensium Æsculapio.  
<sup>premium</sup> <sup>ι)</sup> *Ἀχνοῖσι, δέλευσθ' ἀντιγὴ ἐπὶ κῦρ'.* Sed jam devorasti ple-  
<sup>inter ho-</sup> rasque molestias, & per laboris templum venisti ad virtutis.  
<sup>mines o-</sup> <sup>κ)</sup> *Ἡ δ' ἀρετὴ τὸ δὲ ἀθλον ἐν ἀνθρώποισι ἀριστον.* Gratulor ergo  
<sup>ptimum.</sup> Tibi tota anima degenuina Artis Icientia, quæ vel ex hoc inau-  
<sup>λ)</sup> *Turpe* gurali elucet themate. Ringantur alii, rumpantur illis ilia. Ve-  
<sup>bono pra-</sup> ritatis cibus amarus est, sed ejus nutritio dulcis.  
<sup>vis sese</sup> <sup>λ)</sup> *Αἰχρὸν, ἀεισον ἰόντα, συνήγορον ἔμμεν' ἀλιτρώων.* Gratulor de-  
<sup>præbere</sup> nique Facultati nostræ de optimo Artis Filio, & ut reliqui ita se-  
<sup>patronum.</sup> quantur, votorum meorum summa est. Vale.

*ē museo meoprid. Non. sextil.  
 cto Ioc LXXVII.*

Auspi-





Auspice Christo!

## PROÆMIUM.



**M**onstruosum in scenam producturus Medicum  
merito in limine quemvis cordatum lectorem  
prius moneo, rogoque, ne reputet, temere ac  
petulanter in artem Medicam aut ejus mini-  
stros quicquam eo dictum iri. *Medicina ars*  
*per se sacra, certa, ac perfecta* hocce meo ausu ma-  
jorem prodibit in lucem, obscœni v. ac vitiosi illius admini-  
stratores memorabuntur, ut tantum constet, quàm turpi-  
ter laudata Medicina à plurimis modernis medicis (si ita vo-  
cari licet) defœdatur. Defœdata utique est medicina adeo,  
ut altis quasi sopita sordibus corrumpi cœperit, & nisi quovis  
tempore aliquot saltem veri ac conscientiosi eandem severio-  
ri studio servassent incolumem, pluribus istis sordidissimis  
dudum illa ipsa succubuisset, periisset. Eò hodie utique  
perventum est, ut *decipere, peccare, mentiri, ledere ac male agere,*  
*impune ac cum sostro specioso liceat.* Et certum est, nume-  
rum verorum Medicorum ad inertium cohortem compa-  
ratum valde existere exiguum. Dolendum quod Medici  
titulus hodie adeo diffametur, ante hac sonuit proverbium:  
*Desperatio facit militem,* jam tutius proclamatur: *Desperatio*  
*facit Medicum,* quilibet enim in *Theologia* aut *Jurisprudencia*  
desi-



deficiens Medicinæ sese consecrat; *mercator* ac *miles* opibus ac fortunâ fracti incipiunt medicari, *lictiores*, *carnifices* ac quivis histrio medicationis subeunt munus: de *mulieribus*, *medicatrici-*  
*cibus* silendum, quippe quavis in urbe ac regione earum amplior constitutus est conventus, quem impugnare, difficile, oppugnare v. vix fuerit possibile. Tædiosum est, hæcce attingere, plus verò tædii adhuc habet, quod ars medica infautis istis exponatur fatis ipsorum plurimorum Medicorum culpâ, qui exinde quoque adeo monstrosi evadunt, uti in sequentibus subsequetur. *Cur* v. talismodi sinister artis minister *Mon-*  
*strum* in arte audiat, aut *quo sensu* nostram considerationem incurrat, quilibet ex infra referendis conspiciet, talis enim oppositus; *vero*, *virtuosoque* Medico fatis horrendâ cuius occurret facie, adeo, ut me silente sua sponte monstri præsentia quoscunque obvios in terrorem panicum conjecerit. Sed forte hoc meum propositum quibusdam visum fuerit incon-

veniens, mihiq; circa honores medicos sollicito hoc studii genus minus decorum: Verum hîc nil remoræ, erunt isti maleferiati seu illi ipsi, quos hîc monstrosos vocito, cum illis nil prorsus convenio, maximo semper mihi fuere odio, cum ipsi met sint olores veritatis & temere atque ex proæresi peccent in medicinam. Confido, quod *peritiores* ac *cordatiores* magis me ad hoc moliendum jusserint, quàm ab eodem dehortati fuerint. Fateor, foetoris exorietur fatis, quum talia memora-

verim, *camarina* enim in imperitis falsisque medicis latens eo ipso non fuerit intacta: Veris autem & solidis medicis hoc ipso odor fuscitabitur fragrantissimus verbo, cum *imperitia multorum memorata fuerit*, *vera Sophia magis elucescet*, *magisque tyronibus ad veritatem artis indagandam commendabitur*.

*Finis* hujus mei propositi, Deo teste, haud mihi præfixus est alius, quàm ut veriora medica propius accedam, superficialia ac deceptoriam longius fugiam; ipsi v. scienter in arte peccantes



gantes ad meliores, si non spes omnis convalescentiæ diffu-  
 xerit, jubeantur fruges. Ampliorem in hoc negotio me mi-  
 nus polliceor, tantum tñ. addam, quantum pro eo, qui sapit,  
 suffecerit: Præsens temporis ratio plura apponere obsonia  
 non permittit, quippe transeundo ad castra hæc saltem, ut  
 discursum minus præmeditatus in hæc conijcere cogor pa-  
 ginas. More recepto *certum affectum cum causis, signis, ac*  
*curatione* ex mente autorum speciosè diducere nolui, quam-  
 vis æquè facile potuissem: Centies enim morbus in cathedrâ  
 examinatus, enucleatus, reciproce disputatus ac feliciter cu-  
 ratus, denique tamen ægrum in lecto curioso adstante *Me-*  
*dicto* iniquiori dat. internecioni; dein si contra consuetudi-  
 nis leges nihil audendum, opus est librorum cumulis pro al-  
 legandis autorum effatis, sed hisce destituor hâc vice, tumque  
 immensas ac penes lectum ægroti minus valentes *distinc-*  
*tion*es partim oblivioni tradidi, partim religiosè servato ordi-  
 ne referre non audeo, quippe illis saltem indulgere, studi-  
 umque spondere hætenus sustinui, in quantum pro succum-  
 bentis in lecto levamine ac juvamine præstiterint. Et talem  
*methodum* procedendi acceptam refero fididissimis ac per-  
 petuo Magnificiendis Dominis meis in arte Medica Præce-  
 ptoribus, ex quibus *trinum* saltem, sed tamen perfectum, æ-  
 ternæ honorificæ memoriæ, quam ipsi debeo, gratiâ, memo-  
 ro, n.p. *Magnum istum* WEDELIUM Medicum ex omni parte  
 verissimum ac perfectum, sub quo primò quoad studia *educa-*  
*tus* fui; *Illustrem* VOLCAMERUM virum istum in omni scien-  
 tiâ Magistrum & in arte *Prædicum* omnium famigeratissi-  
 mum, sub cujus suffragiis in *bonos enutritus* fui fructus; de-  
 mum *Celeberrimum* FRANCUM cordatum sane ac scientifi-  
 cum *Medicum* nulli secundum, quem meritò perpetuæ com-  
 mendo memoriæ ob insignem candorem in medicina præ-  
 sentissimum: Primum enim cum *Magnum istum* Promotorem,



adeundi copia obtigerit, blandiri, uti alii faciunt, nolebat, sed statim sinceriori mente innuebat, dolere ipsum, quod hodie perperam à multis tractetur medicina, indeque tot *monstra sensu nativo* non alienato inter modernos *Medicos* exoriantur, quo etiam impulsus sub candido hocce Viro demum *adolescere* ac in perpetuam memoriam hujus æque ac cœterorum duorum *Magnorum Virorum*, de quibus mihi satis constat, quod veritas ac candor in omnibus semper ipsis cordi fuerit maximè, huncce auspicari conatum.

Antequam autem rem ipsam exordiar, iteratâ vice æquum lectorem sollicito, velit sequentem meum discursum haud sinistrè interpretari, cara mihi sunt rerum *penetralia*, cara sunt earundem *centralia*, *essentialia* ac *vera* & eadem cui cara fuerint, *mentis componet fluctus*.

Sed fretus supremi NUMINIS velo excurro, supplicibus contendens precibus, felicior ausu hocce inaugurali absoluto ad quemvis ægrum mihi concedatur aditus, ut in honorem ejusdem NUMINIS, vita proximi pro viribus concessis salubrior servetur.

## CAP. I.

Explicat, quid per Medicum monstrosum intelligendum sit?

**R**eligioni duxerim, quempiam ex *naturæ inclementia* saniori destitutum corpore hîc fugillare, sit enim quicumque pede *claudus*, corpore *pygmaeus*, tergo *gibbosus*, collo *incurvatus*, capite *deformis*, facie *defœdatus* &c. *monstrum* hîc ne utiquam audiat, modo devotè ac conscientiosè præfuerit *medicinæ*. Sint *animi* dotes non adeo sublimes, sit *judicium* mediocre, sit vis *memoriæ* non adeo excellens, sit *genius* non adeo



adeo divinus, sit *lingvæ* volubilitas, sit *differendi* facultas, sit *ratiocinandi* solertia non adeo miraculosa. Hæc & alia *naturæ* sinistra fata, quamvis non immeritò quidem ad perfectum *medicum* requiri possent (nam inter operarios non ex quovis trunco expectatur artifex) quamvis inquam ad bene esse medici & corporis & animi convenientia dona merito præprimis necessaria habeantur, attamen nullum, quem *natura* miserum ac monstruosum finxit, ipsemet monstrum nomine inscribam. Monstruosum v. hîc volo, qui propriâ cupâ ac temeritate horrendam istam subit *metamorphosin*; describi ad cuiusvis lubitum potest ille v. g. *Medicus monstruosus est sinister ac perfidus naturæ ægrique minister artis ac verorum Medicorum auctoritatem ludibrio exponens*. Omnia subsequutura iujus descriptionis *essentiali* ad saturationem usque dabunt ac confirmabunt. Et talis monstruosus est ille ipse, qui præmeditatus & ex consilio solerter ac speciosè *clientes* suos circumvenit, turpioris lucelli gratiâ conscientiam operat male consulendo proximi salutem: audet moliri, quod nunquam didicit, facit quod toti arti insensum est. Hujus famæ homines quærere laboris aut difficultatis vix quicquam habet, obvii enim sunt ubivis. Sicut *caritas* ac *rarity* medicorum hodie haudquaquam metuenda, ita & monstrorum coetus natus est uberrimus, & usquedum ubivis nascuntur illi inter eruditos, ut *lolium arvense* inter *frumenta*. E hoc ut in antecessum notetur, fatendum est, nimiam fecunditatem medicorum maximè juvare infauitissimum modernum *medicinæ* statum, hincque tot monstri *fœtus*, hinc *vituli* hinc *tauri* isti monstri.

Nescio, quàm absurdum effatum sit illud: Quicunque nec *Jurisprudentiæ* nec *Theologiæ* vel ex corporis vel animi iniquiori statu incumbere potest, felicius *medicinæ* litabit: ô insipidum consilium, quasi *medicus* corporis morbidum, genii-

A 3

que



que timidè inter labores *anatomicos*, excursions *botanicas*, Herculeos *chimie* conatus, horridos ægrorum insultus, pestilentium afectionum miasmata, abominabiles *delirantium* motus non deficere, titubare, prorsusque succumbere posset. In medico forti animo, fortique corpore imprimis opus est, omnesque dotes *naturales* vix quempiam magis exornant, quàm *medicum*, hinc meritò pueri optimæ indolis ad *medicinam* excolendam essent eligendi, ab eadem non arcendi. Sed horum memini, uti ante dixi, non quatenus claudicant *naturaliter*; sed propriâ protervitate in arte *Medica*, & cum aliis temerariis instar ferocientis equi in foro medicorum semet dan præcipites, atque andabatarum more circa *ægotantium* tridnia circumferuntur. Si nondum medicus monstrosus in sensus satis incurrerit, confidas, infra lucidiori colore ipsimet appariturum esse, præprimis, uti stat sententia, cum breviter vulgo notas medicinæ partes *Anatomicam* *np. Botaicam*, *Chimicam* & *Pharmaceuticam* percurrerim, singulisque in hisce exempla dederim, ubi prima vestigia monstrosi medici ponantur, & quâ viâ demum talismodi fraudulentum magistri procreentur.

## CAP. II.

Ex

### Anatomia Medicus progrediens Monstrosus.

CUn nemini non constet, *veram fabricæ humanæ haustam* *Ecognitionem in praxi adeundâ primam largiri lucernam*, tumque ad eandem feliciter exercendam illam ipsam esse manum tutissimò dicentem, hinc anatomiam omnes medicinæ addicti venerantur, sed more studioque dissimili. Venerari hoc studii  
genus



genus laudabile, ex idoneis libris ejusdem fumere ideam, decorum est, sed utrumque sine sensuali inspectione in cadavere est *umbra sine corpore* & inde *deviare incipiunt in statum monstruosum*.

Quando jam quispiam edoctus ex libro, quot ossa in capite, collo, artubus externis, pectore & toto corpore numerentur, quot musculorum genera, ubi membranæ cum tendinibus quærendæ, qua parte viscera interna cum intestinis, vesicæ, omniq̃ue genere venoso, arterioso, ac nervoso lateant atq̃ue excurrant, quando similia inquam quispiam conceperit, atq̃ue memoriâ reposuerit, de hâc medicinæ parte tutus gloriose juxta machinam partium conceptam in morbo corpore suam auspiciatur praxin. Ægrum de hoc studio minus sollicitum valde movet differendo speciose modo de *hepate*, modo de *ventriculo*, *cerebro* &c. quamvis si ad demonstrationem perventum fuerit, *hepar* in pectore, & *pulmonem* sub diaphragmate quærat. Sæpius factum, fitq̃ue dubio procul in dies, quod frustum, vel lobus pulmonis abscissus ac demonstratus pro lobo hepatis & contra à magnis ac glori- bundis medicis cognitus fuerit. Talia v. ad quemvis conspectum obvia lanienis, quoq̃ue satis comperta si talismodi *anatomicum* latuerint, quid fiet de indagatu difficilioribus, ut sunt v. g. *connexus partium ac consensus earundem mutuus*, *vassorum deductio ex loco in focum*, *ex centro ad circumferentiam*, & sic porro, hæc inquam quomodo in inertium illorum oculos ac mentem venerint? Memini ridiculi cujusdam exempli, quo *Thrasa* similis pompose tortuosa illa musculorum nomina juxta alphabeticum ordinem referebat, dein v. cum locus pro *fonticulo* excitando commodior in brachio ab eodem feligendus appeteretur, tremente animo, manuq̃ue tremulâ in conspectu subridentis adstantis *chirurgi*, huc illucq̃ue obrepebat, nesciens, quam regionem designet, donec insigni cum



tum infamia relicto alias consueto convenientique loco inter 2. musculos *interstitio* in elevatiori mediaque *Deltoides* parte corrosivum imponere iussit. Sed hæc, cum non statim de vitâ ipsâ agatur, non adeo attendenda, quod v. in gravioribus eadem intempestiva atque absurda eveniant, magis dolendum est, quot enim *empyemate* loco minus convenienti aperto maximum in vitæ periculum præcipitati fuere? quot *hydropicorum* malo consilio ac infelici manu abdominis vulnus intestinis tenuibus simul pertusis cum miserâ vitæ deletione luerunt; *intestinum* pro omento, *uterum* pro excrescentia carnosa, *strumas* cum *aspera arteria* reseculisse horrendo ac miserissimo cum patientum interitu, salva ac recenti multorum adhuc reconditum est memoriâ.

Sed hisce *tragædiis* moliendis consentiens & adstans medicus, nonne se monstruosum in *anatomicis* præstat? Sic in hisce rudioribus cœcè ac temere res agitur, quid solidioris scientiæ sperandum nunc de *venarum*, *arteriarum*, *nervorum*que ortu, progressu, ac insertionem; hæc cum recta fuerint, à talismodi monstruoso detegi ac considerari nolunt, nihil enim nisi quod ante pedes est, considerant monstrofi. Fons ipsius vitæ cor np. suis cum canalibus, calore multiplicativo, pulsus motu reciproco inaccessus atque intactus linquitur, cum tamen inde prima morbi cognitio, ejusdem auctio, vel imminutio, virium valor vel deliquium, totiusque corporis præsens ac futurus status judicandus sit. Hinc *sanguinis circulus* nonnullis quoque usque huc vel prorsus concipi vel verus naturalisque ejusdem successus statui nequit. Multo minus explicatur, quomodo *lymphæ* per *hepar* ejusque vasa lymphatica, *latex* per *renes* in vesicam secernatur, *chylus* per vasa lactea in *cisternam*, inde per ductum thoracicum, & ex eo sanguini suffundatur, tumque quid *lymphæ*, quid *chylus*, quid *sanguis* sit, & qui unum ex altero interveniente per varias partes comuta-

muta-



mutatione suppetatur. Quæsitus quondam magnus *Archia-  
ter*, quo pacto *purpura* in corpore humano ex lactiformi li-  
quore tam subito generetur, pro rei explicatione adornandâ  
dedit exemplum in *pyrorum rubescentium* coctione obvium,  
eoque simul & semel arcanum elegansque *sanguificationis* ne-  
gotium *dogmaticè* & *Hermeticè* fuit expositum. Sane pro cu-  
rioso ac *Anatomico-Medico* sat sapientiæ: Sic hallucinandum  
est, cum ad physica elegantiora eruenda perventum fuerit,  
dum *unam* constitutivam *medicinæ* partem excolimus, *alteram*  
v. interea inexcultam seponimus. Fateor, quod *Archiatrium*  
istum anatomici profectus satis exornent, sed infensus osor  
est *chymia* adeo, ut penes ipsum vasta ac turbida *decocta* nescio  
an *intestinalia* vel *visceralia* dicta semper majori in pretio ha-  
beantur, quàm purissima *extracta essentia*.

Tyro in *chymia* non solum in hoc *sanguinis* sed & *chyli*,  
*lactis*, *spermatis* diverso statu ac mutatione citius ac felicius  
aliquid statuere poterit, quippe quovis momento *liquidum al-  
bum* in *purpureum* & hoc idem rursus in *album* simul & semel  
absque igne, & coctione sine ulla temporis mora convertere  
noverit. Et ex iisdem principiis tota fuit *sanguificatio*, & mi-  
randum & dolendum, quod medicus studiosus ad studium  
*Chymicum* acrius non impellatur, cum tamen satis in aprico-  
sit, quæcunque in corpore humano peragi & elaborari non  
coctione *Galenicâ*, sed profecto digestionem *Chymicâ*. Qui enim  
mentis sensuumque compos est, cognoscet, invitus quoque,  
quod solertissimæ *exaltationes*, *sublimationes*, *volatilisationes*,  
*spirituascentiæ*, *effervescentiæ*, *motusve fermentativi* maximâ  
naturæ sagacitate procedant in corpore humano. Tutissimus,  
ut obiter hoc saltem apponam, assero, quod secretissimi *labo-  
res*, quoscunque etiam sublimioris ingenii *Chymici* subeunt,  
in artificiosè extructo vase *digestorio machinâ* nempe *humanâ*  
re ipsa indies absolvantur. Saltem recordari jubeo præpara-  
tionis



tionis *spermatis in meandris genitalibus*, sane hîc verum opus philosophicum, tumque memento uteri fabricæ, *foetus in eâdem concepti & succrescentis* absque præexistente, ut ita loquar, materia, est hîc *ovum philosophicum Hermeticè clausum*, quo ex digestionem naturali *miraculosa* conspicienda sunt. Sed sileo de hisce, cum rideantur magis, quàm auscultentur, inque viam redeo: hæc & similia, tibi ante memoratum, non adeò urgebo, ut omnis, qui eorum cognitione destitutus sit, statim exclametur *monstrosus*; satis facessit negotii eorum copia, qui circa rudiora v. g. circa *situm, connexionem, fabricam, actiones, consensum ac substantiam* omnium turpissime hallucinantur, manifestè errant, valdeque peccant.

Vix jam tempus superstes & hæcce particulariter percurrere, quippe totius & ultra diei discursu res ista indigeret amplissimo, & vix tamen omnium errorum mentio fieri potuerit. Unicum ut hîc adjungatur: *Turpe pro honesto ac paupertatem pro divitiis* hîc ambulare, lubentissime concederem, modò *vitium cum virtute & caritatem opum cum melioribus frugibus* commutare tali *monstroso* mens succurreret. Sed proh dolor, meliora nec optant, nec appetunt ipsimet, nec aliis *peritioribus* suffragia ad solidiora artis demonstranda donant, tumque quod ipsi nec sciunt, nec possunt, aliis agendum nolunt concedere, ne aliquid adhuc addiscatur. Satiùs ut quid velim, intelligar, clarius loquar: Ut casum saltem formemus, præstò sit talis *monstrosus*, qui tam in *speculativa* quàm *practica anatomia* nec quicquam sibi præstandum promittit, hic alteri in arte hac magistro succurrenti omnem abnegat familiaritatem, conversari cum eodem abhorret, tumque ne sectio *anatomica* instituatur, multo minus solemnis *inspectio ac demonstratio* succedat præcavere studet quàm maximè, clandestinisque cuniculis *cadavera* omnemque occasionem, ne insignis iste magister agere queat, surripit quasi è ma-



manibus *b. e.* obstaculo est quacunq[ue] datâ obviâ occasione, ne cada-ver secetur. Similia semper eveniunt, ubi ambitio & invidia ardent, & qui fidem hisce non condonat, adea illustrem ac in vivis adhuc celeberrimum VOLCAMERUM, Anatomicum incomparabilem, ac in omni scientiarum genere famigeratissimum, dubio procul Patronus iste insignis ejusdem uberrimum suppeditabit testimonium. Nausea, vomitusque fere saniori quoque eò commovetur, dum semper monstri illi parturientes crepant, & tamen ne minimum foecundi in recessu habent, multo minus in lucem promunt, sunt enim frigidissimi genii & foecundari nescii, interea nos poma natamus, ac videmur aliquid egisse, sed manum de tabula, subsistere jubent & tempus, & convitia subsequutura, veritati parcendum.

## CAP. III.

Ex

Vegetabilium percontatione neglectâ Monstruosus  
evadit Medicus.

SEmp[er] fuit placidissimum sectam *Dogmaticam* jungere *Hermetica* seu mineralia c. vegetabilibus combinare, sicque vi unita contra morbiferos *Archæos* pugnare, absque alterutro enim horum vix unquam constans ac perpetuus de morbis omnibus vincendis penes medicum manebit honor victoriosus. Quapropter medicus, n[on] monstruosus in arte comparere voluerit, plantarum præprimis officinalium vulgo dictarum, & quarum vis agendi tam in medicinâ, quàm chirurgiâ satis comperta ac laudabilis existit, utique studiosè vacandum est cognitioni. Omnem plantarum farraginem haurire est utique non cujusvis, præprimis cujus humeris & chimia, aliæque

B 2

medi-



*medicinæ partes excolendæ incumbunt, illius inquam tot centum graminum facies, tot exoticarum minus usum habentium floram sciscitari curiosius ac memoriæ commendare nec vires, nec studium eo semper sufficient, hincque in eodem deficienti medico neutiquam incomtus inscribendus est titulus. Secus v. judicandi sunt illi, qui nec *absinth.* nec *abrotan.* *plantag. rhapontic.* *Scorzoner.* *cariophyll.* &c. norunt aut nunquam viderunt. In pluribus ipsemet adhuc deficio, sed semper eo annitor, ne quicquam in usum vocem a. ægro præscribam, quod non prius semel tantum propriis conspexerim, oculis, miserum enim est ac turpe incognitum commendare, & doleo, quod lubentissime tateor, si ita procedere quondam coactus fuerim. Ad inscitiam fucandam quidam sese fatris astutos gerunt, quæsi nempè de hisce vel illis *plantis*, quasunque obvias confusis nominibus vocitant promptissime, ne videantur *ignorantes*. Mihimet ipsi olim similis studii *botanici* noti fuere, quibus nulla *planta innominata* atque *incognita* erat, volubili atque audaci linguâ cuius peculiare imponebant nomen, interea v. conscientiam haud violabat *scorzoner.* *hieracium*, *chærefol.* *cicutam*, *doronic.* *beliotropium minus.* *linariam esulam*, & contra vocitasse. Qui *tyronibus* informandis ita se gerit, si ipse nondum *monstruosus*, *monstrosos* tamen plures eo procreabit, *pestiferum* enim & *deleterium* pro *salutifero* postea dispensare est utique impium, *monstrosique medici*. Majoris pretii atque honoris æstimandum est, pauciores *herbas* rectè & certò cognitâs habere, quàm plures confusè ac falsò, hoc enim *periculum*, illud v. ab omni metu immunitatem habet comitem.*

Alii dum *plantam* nominare nec audent, nec possunt, ad medici tamen famam salvandam refugiunt ad *chymiam*, gloriantur de ejus eximia nobilitate, studioque in illam impenso, quasi medico honorificum atque conveniens esset in

uno



„uno ad medicinam constituendam necessario excellere, in  
 „altero æque digno deficere, sane quacunque in parte *medi-*  
 „*cus* cœcutit a. claudicat, honori haudquaquam vertendum.  
 Et quod maximum ac turpissimum est, comperi eosdem,  
 qui semet excusarunt prætendendo *chymia* hausta incre-  
 menta nec mineram hñi, nec  $\pi$ is, nec  $\odot$ is, nec *Arseric.* cog-  
 noverint, sed æquæ selectiorem *Coboltam* pro  $\mathcal{D}$ minera & mi-  
 neram Sulphur. pro  $\odot$  matrice habuerint; de earundem  
 examine ac per ignem probatione, tumque de *metallorum*  
 fusione a. ex ipsis *medicamentorum* præparatione nihil pror-  
 fus dixerim, certum enim quod nec  $\delta$  *diaphoret.* nec accha-  
 rum Saturni rite parare noverint, hujus v. sortis Melici ne-  
 scio an alio, quàm *monstrosi* nomine venire queant, et *unius*  
*ignorantia penes ipsos alterius velamentum & excusatio.* Non  
 defunt, qui convitiantes *regnum vegetabile* temere onnem  
 contra morbos virtutem eidem abnegant, saltemqui (uti  
 forte per auram transvolantem quendam de hoc strepitum  
 sensere) de concentratori vi in *metallis* ac *mineris* jaçant.  
 Quicquid hîc differant illi, sunt tamen *monstrosi* in arte, quip-  
 pe si non *monstrosi* æque essent in *chymia* ac re *botanicapro-*  
*fecto vegetabilia* ipsis æque cordi essent ac *mineralia*, nun-  
 quam enim  $\odot$ ri laudabilis solutio absque succo vegetabili  
 Spirit. vin. nempe & *Sal. Vegetab.* nempe *Tartari* institui po-  
 terit, insuper magnum ejusmodi *chymicum* non decet ignora-  
 re, quod citius vera ac polychresta medicina vix queat spe-  
 rari, priusquam artifex tria hæc VINUM, HOMINEM at-  
 que AURUM suaviter ac convenienter in unum spirituum  
 cogere noverit, hæc enim ipsa natura, uti cuicunque no-  
 strum de hisce meditati constat, perpetuo amoris vinculo  
 connectit, quæ enim in toto terrarum orbe magis se invi-  
 cem amant, quam *Vinum, Aurum, & Homo?* si  $\odot$  & *vinum*  
 HOMO possidet, contentus utique vivere potest. Jam v. uti

B 3

latis





fatis notum, in hisce tribus totius mundi vires conclusæ sunt, ergo & in iisdem quærendæ, ac demum ab eo, quem JUPITER amat, pro idoneo ac constanti *medicamine* sunt propinandæ.

Sed nescio an talia pro istis monstrosis: proprium jugulum ipsismet apponunt, dum, uti dictum, jam *vegetabilium* beneficia negligunt, in iisdem tamen succurrente necessitate postmodum spem quærunt maximam, ac salutem fere unicè porunt, *Vino* ipso utuntur pro *analeptico*, ad vires restaurandas, commendant idem suis *clientibus* tanquam *sacram anchoram*, sed quomodo hæc ad jam prolata quadrant? forte *vinum* ipsis non est *succus vegetabilis*, multo minus, (uti artistæ phæcet) loco omnium plantarum, nam ad summum quævis herba extracta ac elaborata desinet demum in *Spir. Vin.* tanquam *quintam* ipsius *essentiam*, hæc inquam dum ipsos fortelatent, contradictionis non adeò accusari poterunt, intere: v. quicquid sit, manent MONSTROSI. Facilius tolerandi sunt, qui adeò omnem vitam *plantis* cognoscendis spordent, ut si non omnes, tamen plurimas sibi notas faciunt *encomium* hoc studium meretur, majori verò honore digniessent, si non saltem *facietenus* & quoad superficiem easdem contemplerentur, sed & *penetralia* quoque lustranda non curarentur.

Sed eò fere devenit, quo majorem *plantarum* numerum quis nominare potest, eò pauciorum *essentias* ac *virtutes* rimatur, sed quid hoc sibi vult, sane *nucleo relicto externo delatari cortice*. De incerto ac intempestivo gaudent illi thesauro, qui *methodicè* hanc *plantam* in *primo*, illam *secundo*, aliam in tertio gradu *calidam* vel *frigidam* pronuntiant, nam latoris abyssus est ac tentamen infinitum, dum *hodie secundi gradus* calida planta *cras* statuitur *tertii*, uti dissonans concentus inter hos ipsos *qualitatum* autores satis personat aures.

Et res





Et res aliter quomodo procedere potest, unde enim hauriri gradus *caloris* diversi, tamque accurate dignosci queunt ac debent, *aspectu* & *odore* vix obtinetur, hinc ex *sapore* & quidem *mordente*; sed sapor iste unde dependet, sane non aliunde, quam à *Sale*, jam v. hujus proprium non est distinctos caloris suppeditare gradus. Ut umbram hujus effati fingamus, promam diversa *Sal.* genera v. g. *Sal. comm. Sal. gemm. Nitr. Vitriol. Sal. Armoniac.* hæc *Salia* degustet, cuicumque lubitum fuerit, à cujusque sapore tentato erudiat quæso, quoto gradu caloris *Sal. commun.* quoto *Nitr.* quoto *Sal. Armoniac.* sese manifestent; vix crediderim, quod tam promptè se explicuerit, atque fit in fallaciori *qualitatum* relatione. Brevius ac felicius examinabit ille plantas, qui omnes, cujusunque generis fuerunt ratione *Salis* vel *exaltati* vel *suppressi* judicaverit, hinc oportet omnem *herbam* esse vel (1) *aquosam* vel (2) *acidam* vel (3) *amaram* vel (4) *acrem* ac *penetrantem*, vel (5) *aromaticam*, quinque hæc distinctiones mihi sufficiunt pro omnibus plantis quoad virtutem judicandis & cum eadem jam ad morbos pellendos sint producendæ, tutius ac prudentius cura omnis suscipitur, propius enim pro *calido nativo* levando, *causisque morbificis* solvendis accedunt. Sic *flores* omnes ac singuli arctioribus adhuc cancellis includi queunt, nulli enim dantur præter *inodoratos, odoratos & aromaticos.*

Vim Idealem v. seu vulgo *specificam* quod spectat, ulteriorem *artificis* industriam requirit, ad quem scopum ferendum non parum juvat *PHYSIOGNOMIA* tanquam medicorum *alphabetica inscriptiones* ab ipsâ *natura* benigniori impressæ. Sed hæc cum pluribus sint infensa, sileo, mihi placeant hæc & placebunt perpetuo, qui in omnibus *harmoniam* & ex ea, si possum, *UNUM* in fundo quæro, sic propius ad *NATURAM* acceditur, quæ etiam *una simplex & integrum suum esse quærit & habet in UNO.* Sed uti dixi, offendunt  
similia



similia præprimis v. MONSTROSOS illos, qui dum non capiunt, contemtui habent, ac *Chimæris* comparant, etiam si fuerint *vera* ac *di-vina* respectu *quisquiliarum* earum, quas convertunt in fumosioribus cerebri sui angulis. Eadem contumacia ac invidia in monstrosis hisce *botanicis* est, quæ ante in *anatomicis* exorta fuit, nempe pœnitere nolunt, quamvis *errorum* probe sibimet ipsi conscii sint. Si olfecerint saltem, quod quispiam in *plantis* examinandis solertior appropinquet, sane *cane* & *angue* pejus eundem fugiunt, pudet audire meliora, pudet addiscere, quæ ignorant. Inter colloquium memini quondam apud talem rudiozem *botanicum*, quod egomet quasdam plantas ab *aniculis* tum quoad *faciem externam*, tum quoad effectum *experimentalem* didicerim. Mox contractis labiis regerebat, quod maximè ignominiosum sit cuicunque *Medico*, *ani* auscultare præceptis. Hâc viâ *stupidi perlas luto inherentes non recipiunt*, hi audiunt non quid dicatur, sed quis dicat, sicque veritatem prætereunt. Vix me pudet usquedum, quod, ubicunque occasio occurrerit, ipse *aniculas botanicas*, *rhizotomos*, *rusticos syl-vaticos*, *fodinarum fossores*, *metallorum examinatores*, *piscatores*, *nautas*, ac cujuscunque generis *plebejos*, modo *naturalia* tractaverint, adeam, ex illis modo hoc modo aliud sciscitans, ubi fateor, quod varia *experimenta* modo ex *vegetabilibus*, modo ex *metallis*, *terrâ*, *lapidibus*, modo ex *animalibus* desumpta hauserim, & eadem quamvis viliora, tamen ad meliora ducunt. Et imprimis satis elegantia ac quæ altioris sunt indaginis in *fodinis metallicis* conspiciuntur; docuerunt me plura & interiora terræ viscera & fossores per ista vadentes, dum nuper in cujusvis generis *metallicas fodinas* descendere, easdemque ac quomodo *natura* sub terris in elaborandis *metallis* procedat, perlustrare mihi concessum fuit. Sed *ambitiosus* hoc studii genus sordidum apparet, minusque placet, sed quiescant ipsimet



ipsimet in sordibus *ignorantiae*, maneant *stupidi*, nec meliora appetant.

Hinc v. qualis princeps, talis subditus; *Pharmacopæus* pigrum ac imperitum suum conspiciens *medicum*, securus ac confusus in *simplicibus* colligendis demum quoque evadit, parum enim ipsi postea interest, an alia *radix* pro alia, alia *herba* pro alia, sicque quid pro quo substituatur, satis enim certus est, quod *monstrosus medicus* nihil examinet, nihil inquirat, aut quamvis in re ancipiti quærat, ille tamen semper religiose consentiat, ut dum radix à *pharmacopæo* monstratur simulque v. gr. *cichorii* ab eodem inculcatur, *Dominus DOCTOR* pleno ore assentitur, quod utique sit *rad. cichor.* quamvis postmodum sit *radix* scorzon. sic ex præsupposito, quod *pharmacopæus* prudentior in hoc sit, quàm ipsemet, promptè consentit, & ita honorem defensurus maximè sese prostituit *monstrum*, sed transeundum ad alia.

## CAP. IV.

*Ex*

### Chymiâ Medicus monstrosus.

**S**I qua in parte *Medicus* naturæ ministrum sese præstare sustinet. profectò mediante *chymiâ* quàm optimè fieri potest, est enim illa, qua maximè veræ naturæ opes eruuntur, & quâ proxime in illius principia pro rerum generationibus moliendis accepta conspicitur. **FELIX**, cui veræ **CHYMIÆ** beneficium contigerit, dat enim eadem *centralia medicamina*, de quibus & medicus & æger gaudere, & quibus extructus medicus artis valorem & sui auctoritatem servare atque augere potest. Commendare hodie *chymiam* plus ferre periculi, quàm præmii ac honoris habet, plures enim sunt inter ipsos *Medicos*, qui eandem damnant magis quàm cele-

C





celebrant, uti nuperrime mihi met ipsi contigit, dum ad favorem comparandum quædam de *chymia* differebam, eoque me meaque studia magis commendare intendebam; profecto omni fere *honore* ac *favore* defraudatus fuisset solius senioris adstantis *Medici* sinistra commendatione, erant a. in mei favorem hæcce dicta conventu satis splendido præsentate: *Hisce studiis qui indulget, de eò in Medicina nihil laudabilis sperandum*, filui tunc, cum tempus ad respondendum non haberet, altius v. miratus fui magni illius viri iudicium, & mecum forte alii inter adstantes, quod mihi rursus fuit solatio. Multitudo *fumi-vendulorum*, *Mysochymicorum* ac *impostorum*, (ut etiam hoc fatear) metum incussit insignem, maculamque inussit foedissimam *arti isti sacratæ*. Sed omnia hæcce iniquiora fata ex culpa inepti *artificis* scaturiunt, *ARS ipsa* restat inculpata, interea tamen dolendum, quod ex stupidistalismi ministris res ipsa *sua luce* defraudari atque naufragium subire debeat.

Quibus v. *Sophia* hæc colenda? Sane non *sartoribus*, non *pastoribus*, non *stolidis plebejis*, non *mercatoribus*, nec ipsis *rudioribus pharmacopæis*, sed profecto *Physico-Medicis*, quibus genius beneficus aptusque in abstrusiora naturæ descendendi fuit commissus. Verum plurimi eorum *jus suum* sponte abjecerunt, aliisq; in artem istam infauftis sane auspiciis libertatem concessere, quâ demum eorum ausibus absurdis *sophia* ista profanata fuit, sicque *medicorum* ipsorum negligentiâ *chymia* inter vulgus adeo dilaceratur, ut nulla *urbs*, nullus *pagus*, quo *pastor* & ipse *ludimagister* non chymicè fumare volunt. Et eadem est via, quâ nobilissima hæc pars *medicinæ* odio invidiæq; exponitur, contemnitur, ac fere sopitur, sed propriam in autoris perniciem. Sunt *medici* illi, qui *ignem* & *carbones* ceu *pestem* fugiunt, omnis mali origo, hinc meritò & pessimum in eos redit. Hoc v. utique ipsis evenit, cum  
enim



enim jam ad arenas perventum fuerit, quæso, quâ tremente manu ac mente adstant ægro, conscii quàm curta ipsis supellex, quàmque inermes pro hoste profligando apparuerint. Hinc miseri isti *medici*, qui neminem nisi sanum juvare queunt, hinc *monstrorosi* illi, qui rem totam *naturæ* commitunt, etiamsi illa in angustias coacta de suppetiis sollicitet maximè, hinc illi perpetui ad ægri lectum *spectatores*, qui, quum penetrare nequeant, ubi nostis lateat, aut quomodo ipsi occurrendum sit, turpiter silent, quiescunt perperam contenti non laceffi. *Medicam sapientiam* in eo præstant, dum primò & ultimò **CORDIALE** vulgò (*wir müssen das Herz ein wenig stärken*) quod ipsis solum, semper ac ubivis in quemvis *egrotantem* per plures annos fuit in usu, speciosè præscribunt. Quo factò audacter pronunciat, jam rem DEO esse commendandam, cum jam præstitum sit, *Medicus* & *Medicina* quicquid præstare valeant. Omendacem memorem, *potiunculam illam* vel *pulvisculum illum cardiacum* (uti vocatus est) nondum delibavit COR patiens ab hoste extraneo, tunc temporis enim nihil alieni admittit. Et quamvis talis æger ab interitu ac morte vindicetur, *monstrorosi* tamen illius *medici* arti ac solertiæ haud quaquam est adscribendum, ille nihil juvabit, ubi **NATURA** *benigna non morbi victrix*, a morbo jam victo æger in viâ *convalescentiæ* non procedit; hisce rem salvantibus, *monstrosus* interveniens medicus speciem quasi benè agentis *Medici* mereri potest, quamvis etiam nonnunquam benè agentem *naturam* turbet, præcipitet, sicque in deterius defleat. Talia fata fubeundum est, si *reinucleus abjicitur*, *cortexque saltem servatur*: persistit totius artis *Medicæ* vis maxima in *chymia*, servat eadem *medicum*, sed non *monstrorum* in autoritate integerrium, hinc eadem à medicina separatà superstes est *nux ventosa*, *negotiumque mulierum*; *decocta* enim *sirupos*, ac *clysteres*





parare, miscereque *folia, radic. ac semina* mulieri haud multum caufabit difficultatis. Novi & quivis noverit hisce laboribus indulgentes *mulieres*, quæ in dictis non solum, sed & in omnium *aquarum ac spirituum* distillatione satis feliciter procedunt, novi v. *medicos*, qui ne *aquam rosarum* ritè parare norunt, sed quid de hisce judicandum *artibus*, sunt utique *monstrosi* veros ac peritiores inter *medicos*? Occurrunt quoque *timidi* ac *temerarii* in *chymicis* propinandis, bini *chymici* videri volunt, sed non sunt, bini affectant nomen *chymici*, sed in virtute deficiunt. *Temerariorum* in hoc negotio *encomium* meritò est proclamandum, verissimum enim, quod plurimum vita, cum potius ejus vigor petitus fuerit, extincta sit audaciâ remeraria; cautè in hoc articulo agendum, ne quispiam *chymicus* evadat *monstrosus*. Qui rei *metallicæ* regnum probè cognitum habet, illius dona prudenter examinat, ac quid hoc vel illud in recessu habeat, ut decet, inquit, tumque præparationi præprimis eorum, quæ periculi quid minantur, ut *zalum & zialium* ipse præstò est, sed suppono non *agrytam* non *monstrosum*, non *imperitum* sed *medicum*, cui de meliore luto præcordia facta, ille inquam semper *frænum* stringere atque convenienter & tempestivè strenuis istis *mediis* uti noverit, ipsi quoque *vitæ* nunquam cedit in *mortis*. Quicumque igitur de *chymicorum medicaminum* vi deleteria queritur, culpamque in ipsam *chymicæ* artem retorquet, *monstrosus* est, & propriam inculcat ignorantiam, quæcunque enim etiam maximè *venenata* corpora cicurantur, atque artificis manui obtemperant, sed quivis ad talia non aptus natus est, hinc *reus artifex* damnandus, non insons *ars chymica*. *Timidi* in defectu peccantes nihil exerunt, quod intendunt, *cunctando hostem interimere volunt*. Hi potius solandi sunt, quàm præcipitandi, plerumque enim illis *cor corrugatur*, cum ægri ipsis curandi offerantur,



tur, nesciunt enim, quid *medicaminis* sit arripiendum, meditando de *chymicis*, aliorum obliviscuntur; *chymica*, dum nondum satis cognita habent, applicare abhorrent, hinc *haeret aqua, hinc comæ flectuntur sursum*. Tandem inter sudores cordisque palpitacionem talis attonitus forte præscribit *Spir. Sal. Armoniac. vel tinct. tartar. ad gutt. V. vel vij* usurpandam. Sed quid *inertiae*? in tali dosi ~ vel *Tinct.* illa data quorsum se se extendet, quantum ex *ventriculo* ad causam morbificam infringendam penetrabit superstes? Sic maximis in morbis ab intempestivè *timidis* levissima dantur *medicamina*. Memini satis quondam acutè *febricitantis* cujusdam, cui *pul-v. ex corn. cer-v.* nî fallor gr. xij. & *diaphor.* & lap. bez. ana forte gr. iij. l. iiij. mixtus ab ordinario medico præscriptus erat. Ipse solus cum solo colloquens dicebam, quod parum effectus ab exiguo isto pulvisculo sperari queat. *Medicus* reputans, quod citius *excesserit*, quàm *defecerit pul-v.* huncce opt. bezoard. deprædicabat; curiositatis ergo regerebam, quod præsentî ægro intra 24. horas & *diaphor.* ad 9 iii. tumq; simul *corn. cer-v.* ac bez. superaddito singulis np. 6. horis ad 38 tutò ac majori spe fructus propinarem. Iratus ille *temeritatis* me accusabat, innuens, quod & *diaphor.* ultra 98 vix præscribatur, nihil audiebat, quod & *diaphor.* graviori urgente morbo ad 38 tutò propinari possit. Tales *timidi* æque graviter peccant ac qui excedunt, utrâque viâ mori potest æger, quamvis hîc *accelerando*, illic *procrastinando*. Hîc multum solatii præbet canon iste: *Si non ju-ves, saltem non noceas*, sed nec canon iste mihi placet, nec exinde *timidos* illos monstroforum numero excludere queo, *non ju-vare, non nocere*, reutrum cedit *medico* in honorem, utrumque enim etiam alienus non medicus *otiano* saltem & *spectando*, confidas, exequi valet. *Si non ju-vas, non noceas*, sane non absolvit medicî conscientiam v. gr. succumbit jam quispiam *febri maligna*



cum lassitudine, ardore insigni & imprimis capitis gravitate, turbine & dolore, medicus accersitus præscribit forte *smaragd.* præpar. *lap. 69.* præpar. cum paucis *succin.* præpar. in *aque ephal.* (sic enim symptomaticè procedunt) jam medicus juvare debet, sed non juvat, quæritur an noceat, fateor, quod minus? Sequitur ergo medicum non esse *monstruosum*, nec ullo vituperio dignum, sed absurda hæc est sequela. Verum est, quod non potuerit juvare, cum in *medicina monstruosus* sit, nec morbum rite laceßere didicerit, potuisset verò juvare, si ut *verus medicus* præsens fuisset. Si juvare nil possumus, abeamus ab ægro, *Tò non nocere, medicâ prudentia non habet opus.* Sed ad cœptum, volunt esse *chymici*, qui disertâ voce *chymie encomium* pronunciant, eandem commendant, & quod ipsis maximè inserviant ex ea prodeuntia *medicamina*, ea esse virtutis in gravioribus affectibus laudatissimæ. Sed *fallunt* hi & *falluntur* ipsi; illud, dum ad famam comparandam tantam loquuntur, ipsi quod nec experti sunt nec prætare queunt, nescit enim ipsos *chymia*, & ipsi *chymiam*; *Spirit. vitriol.* non dicam de altioribus ne quidem destillare norint. *Falluntur* verò & quidem lepide dum enim nec *veri* nec *falsa*, nec *rara*, nec *vilia* judicare ac distinguere queunt (nec enim ipsi laboribus interfuere, nec ab aliis celebrioribus *chymicis*, quid ratum sit habendum, didicerunt) præscribunt sæpius *arcana* maxima, quæ vel nunquam *pharmacopœorum* officinæ viderunt, vel circa quæ *sublimiorum Chymicorum* ingenia adhuc exercentur v. gr. *tinct. antimon. ver. tinct. liq. v. terra tart. foliat. sal. tart. vol. Sulph. vitriol. anodyn.* &c. quasi similia vera usquedum non desiderentur. Interea *falluntur*, ne enim *pharmacopœus* in hisce deficientem se ostendat, nec *medicus* eorum abnegatione offendatur, datur *Spir. vin. calcin.* &io non nihil *tinctus* pro *tinct.* verâ, datur cre-





cremor tart. selectior vel arcan. duplicat. pro terr. tart. foliat. Libans talia spuria Medicus confirmat eorum realitatem, monendo simul cœtera quoque, quæ Paracels. Helmont. Basil. Valentin. memorarent in scriptis suis, elaborare, sic garriunt *monstrosi* ejusmodi *medici* & clanculum deridentur à *pharmacopæo*, qui facile in hoc negotio prudentior fuerit. Sunt alii, qui ex intempestiva simplicitate multorum præteritorum in *Chymicis* laborum memores gloriantur saltem ad favorem & gratiam magni *Chymici* lucrandam, postmodum cum ad rem perventum fuerit, mox *monstrosi* apparent *chymici*, dum nec *fornacem* struere, nec *balneum* condere, nec *ignem* gubernare possunt. Nuperrime mihi talis *chimie* amator gaudium ac appetitum in operationibus *chymicis* longe lateque explicavit, demum v. querebatur, quod *Sulph.* ac *Nitr. accensa* perferre nequeat; silebam ad hæc, reputabam v. quod tota boni illius hominis *chymia* in *aqu. destill.* necessario posita fuerit *Sulph.* enim & *Nitr. sublati* vix multa metalla accendes. Eidem *opiate* & *martialia medicamenta* infensissima sunt & cum *alia* non solum commendarem, sed de limatura ♂ *crudâ* saltem purgata assererem, quodeandē satis efficacem pluribus *robustioribus ventriculis* propinatam expertus fuerim, prorsus *mente corruptus* regerebat, quod pessimi consilii sit, hominem ♂tem jubere comedere, & *opiatu spiritus vitales* temere opprimere, tales *Magistri* nostrâ reperiuntur in arte.

## CAP. V.

Ex

## Chirurgiâ Medicus monstrosus.

BOnâ mente, manuque Medicorum liberali antiquitus  
CHIRURGIA ministris exercenda tradita fuit, sed *modernis*



*dernis Medicis*, atque ipsorum medicinæ profecto in maximum nocumentum, quippe ingrati *chirurgi* cum suis *tonforibus* ac *balneatoribus* *secant*, *urunt*, *emplastrant*, *consolidant*, imò internè *alterant* ac *purgant*, Medicis prorsus insalutatis, minùsque in consilium admissis. *Pharmacopœi* hac in parte nonnunquam, sed tamen non semper, modestiores se gerunt, memoresque sunt suæ scaturiginis ex medicis nempe & quod ab illis in libertate, quâ jam fruuntur, positi fuerint. *Chirurgi* v. omnem Medicorum seponentes memoriam *Ducem bellicum* pro stirpis seu stipitis autore referunt, exindeque *principes* vocari jubent. Sed ô miseros principes, ô turpes principes, cum ad *nates*, *anumq;* *clysteres* injiciendo vel *hirudines* apponendo confederint, confident utique in officii sui summo honore, *barbam* enim tondere tantum artis ac præmii non habet. *Medici* sordium istarum pertæsi & nescia spe forte ducti citius, sepositis nim. sordidioribus istis laboribus, ad *principatum* scandendi, nondum tamen *principes* evadere potuerunt ipsi, evasêre a. eorundem saltem *ministri*. Mirum v. quâ viâ vos *superbiores Chirurgi* ad ejusmodi *principatum* elati fueritis; sed vobis relinquo hunc titulum, interea sitis verorum *Medicorum servi*, *princeps Chirurgus* videtur mihi *scarabæus* in fimo equino.

Sed ubi jam Medici monstrofi? verissimum est, ab hoc tempore, multum difficultatis subesse, in *Chirurgia* studiosum *medicinæ* solidi quid addiscere, immodesti enim *Chirurgi*, ex *Medicorum* genere neminem ulterius quid hîc præstare posse, arbitrantur, hinc gravissimis in *vulneribus*, *fracturis*, *herniis*, *viscerum internorum lesionibus* soli, omnique remoto medico curare sustinent, imò aditum illis, qui addiscendi quid cupidi sunt, prorsus inibent, ut si erretur ac peccetur, nemo illius *judex testisq;* esse queat. Fatendum, quod illa *Chirurgorum* inertia plures etiam inviti evadere cogantur *monstrofi*  
in



in experientia chirurgica. *Monstrosus* fere, de quo doleo, & ipse adhuc nonnihil existo, in dies v. annitor, ut in hoc genere incrementum videam, sicuti singulari Magni VOLCAMERI Patroni ac Promotoris parentis loco æternum venerandi favore ad hoc ipsum ansa data fuit, ipseque illius suffragiis *introitum* quendam inveni. Vix excidet memoriâ eximia Illustris *Volcameri* in periculosioribus casibus *Chirurgicis* solertia, nec unquam oblivioni tradam quàm forti animo sæpius ille, me saltem præsentem, felicissimè ineptis *chirurgorum* cœptis sese opposuerit. Laudandus sane inclyti huius *Viri* candor in *authoritate medicâ* salvandâ, si ubivis plures *Medicorum medicatricibus*, *agrytis*, *pharmacopœis perfidis*, *chirurgis imperitis*, *mulieribus curiosis* & aliis medicinæ sanioris *hostibus* occurrerent, nostra *medicina* dubio procul feliciori aleretur autoritate atque honore. Sed horum paucissimi sunt, paucissimi cum laudandæ studuerint *chirurgiæ*; uti antè dictum, infelici fato *encheiresis* omnis *chirurgica* ex *schola medica* seposita est, simul enim omnis scientia ac *theoria* velut proscripta est adeo, ut plures *medici* nec levissimam plagam *unguento*, nec minimum *vulnus emplastro* mulcere adhuc noverint.

Nos odochia *Italorum* adire cui contigerit, feliciter locatum suum reputet studium, sed non quemvis *fortuna* ad istas deducit oras, & tamen in *Germania* ad similes profectus vix facilis obviis est gressus; sufficiat tamen, quod prorsus non omnis occasio nostris in regionibus sit præclusa, *inquirenti* ac *studio* obtinget utique adhuc sufficiens incrementum. Ubiunque fuero, modestum ac prudentem *chirurgum* quæro, amo, mihi que familiarem concilio, sicque mutuis consiliis proficere & memet & ipsummet reputo, conjunctis n. viribus *ars* demum *succrescit*, disjunctis iisdem, *medico*que & *chirurgo* invicem æmulantibus, ipsis perit *autoritas*,

D

arti



arti nihil addetur, & uterque in arte manet rudis & crudus. Prudentiores *chirurgos* nihil feriet, quod saltem ad imperitos spectat; omnes *modestos* ac *peritos*, quorum aliquot imprimis hic *Heidelbergæ* reperi, multâ excipio laude.

Væ isti *agroto* ope *chirurgicâ* indigenti, qui imperite *chirurgo*, nec prudentiori committitur *medico*, uterque utique monstrosum sæpius se gerit in *operatione*, & fit plerumque, ut *similis simili* gaudeat, ac *imperitus* magis appetat *imperitum*, quàm se *peritiorem*, ne utrius ignorantia prodeat in lucem. Interfui ante aliquot annos, ut spectator, *Paracense* in juniore uxore rusticâ *hydrope Ascite* laborante exercendâ, quâ *medicus* & *chirurgus* quidè consentiebant, sed neuter in hisce quicquam expertus, uterque in *anatomicis* æque ac *chirurgicis* operationibus jejusus ac inanis re ipsa existebat. Sed cum jam ad consuetam *abdominis* apertionem perveniret, *chirurgus* scalpello diutius huc atque illuc circa *regionem umbilicalem* mente ac manu trementibus agitabatur; adstantem *medicum*, nesciens quo puncto *incisio* molienda, tremulâ voce consulebat, ille eâdem anxietate vexatus ibi *versum*, *sursum*, *deorsum* jubeat, quâ diuturniori morâ *hypodrica* demum commota ex auxilii aviditate propriâ manu sane maximo cum periculo, turpissimâque operantium infamiâ scalpellum *abdomini* ipsa intrudebat. Tantum fructus nunc temporis bini isti artifices *hydropica* conferebant, ut paucis abhinc diebus inter mariti, agnatorumque effusas lachrymas satis miserè expiraret. Quo verò *titulo* hi viri digni? *monstrosi* utique jure vocitandi, si non ob imperitiam ipsam, tamen ob eandem in proximum malè ac temere locatam, *fugienda talia difficilia*, nec adeo temere sanguine humano manus sunt contaminandæ. Inter horrorem ac pavorem memini aliorum talis modi *monstrosorum artificum*, qui *strumofum fasciculum* infauistâ sectione cum aspera arteria evulsere  
mi-



miseriori cum *individi* interitu. Similium historias ex illustribus sæpè laudati DDr. *Volcameri* familiari relatu comper-  
tas habeo, & saltem mirum est, quâ audaciâ ac temeritate talis-  
modi *monstrosi* procedere sustineant. Ducuntur ac seducun-  
tur nonnunquam tales aliorum ausu feliciter succedente v. g.  
ille totum *uterum* exsecuit in integrum restitutâ ægrâ, hinc  
argumentantur, ergo & nobis minus quid in *hydropicum* vel  
aliis sordibus repletum *uterum*, aperiendo saltem eundem,  
tentare licebit. Sed antequam hoc moliantur isti, memine-  
rint: *duo cum faciunt idem, non est idem*, pugil & rusticus gla-  
dium vibrant modo diverso. Novi, quod verè perito *medi-*  
*co* præsentem *uterus* prorsus in ægræ salutem utique excissus  
fuerit, novi quoque *monstrosi* ac *imperiti* ausu, sectione sal-  
tem in *uterum* institutâ, miserrimam inter convulsiones  
mortem acceleratam fuisse, hinc eadem moliri in hoc arti-  
culo, eadem *perita experientia* supponitur, aliàs peccatur in  
horas. Cuivis in *praxi* versanti alii quàm plurimi errores, ex  
quibus & *medicus* & *chirurgus* sese reddunt *monstrosos*, cog-  
niti fuerint, præprimis qui circa *genitalium* & *vesicæ* affectus, in  
*herniis*, *luxationibus*, *fracturis ossium*, *partibus gangrenosis* tra-  
ctandis & aliis committuntur. Viliora absurda circa *fonti-*  
*culorum*, *setaceorum*, *ulcerum* atque *anulnorum* minus lethali-  
um tractationem præ gravioribus memoratu vix digna sunt,  
& jam quoque ad finem festinandum.

## CAP. VI.

In  
Praxi solemni variis modis Medicus mon-  
strosus.

**I**N hoc articulo memoriâ plus recolendum, quàm pronun-  
cian-

D 2



eiandum, hisque paginis imprimendum est, nunquam enim impræsentiarum omnes viæ, quibus *Medici Præctici* deviant ac *monstrofi* evadunt, monstrari queunt & minus quoque licebit, nisi nimiam incurrere sustinuerim invidiam, nimisque aliis extra nostram scholam positis *medicorum* status innotescat voluerim. Ex plurimis pauca saltem memorabo, quò constet, quantum discriminis habeat, in *praxi medicum agere cordatum ac verum & contra inertem, & monstrosum*. Moderni veri ac conscientiosi jubent velut plurimum istorum *pseudomedicorum* absurda in *praxi* significare *auspicia*, ut nolentes volentes percipiant, quam fraudibus plena sint omnia ipsorum cœpta. Equidem non semper adeo facile est in illorum penetrare *fraudes* atque *errores*, quippe solerter eosdem tegere ac obvolvere sciunt; vulgò vix innotescunt. Hincque non infrequens est, ut *stupidiores* ac *monstrofi eruditiores* famâ defraudent, plurimumque *clientium* favore præ ipsis utantur, sed quid mirû, *merda* admixta retundit etiam *moschum* & *ambram* fragrantissimam, quò *imperitior hodie, eò ferè felicior*, sed tamen non semper succedit, alias insipidum esset, ulterius ad doctrinam solidam tendere, de qua tamen, DEO sint grates, in plurimis nostræ *medicinæ* magistris gaudere possumus. Cœtus *monstroforum* maximus est, qui ex ambitione & avaritia plures venantur *clientes*, & quò plures horum fuerint, eò nobiliores ac celebriores sese judicant *medicos*, *animo nihil recordante, quâ curâ ac conscientia* æger tractetur, sufficit ipsis, si inde sex decemve cruciferi redeant.

Firmum quondam fuit *Juramentum*, quod nemini *medico Præctico*, si non vocatus fuerit, ægrum adire licuerit, sed hodie pluribus in locis oboletum est, & currunt, recurruntque *medici*, præsertim *juniore*s, ampliores appetentes *praxim* per vias frequentes ad sollicitandos suscipiendosque *ægros*,  
imo





imo prorsus artem suam, non secus ac *rustici gallinas & ova*, civibus venalem indicant. O *monstrum turpissimum* inter alios modestiores, qui omni studio nobilissimam medicinam in antiqua reverentia colendam sustinent. Qui se *monstrum non reputat*, suos procuret clientes, ad quos rite vocatus, & comoretur in *Museo*, donec amplius invitetur. Pauperibus non præripiat nummos, gratis inserviat ipsis, & expectet ditiores, qui rependent; quicquid ante pauperioris in commo- dum ex misericordia fuit impensum, sic *medicus in honore*, sic *medicina in valore vigeant*. Quicquid etiam obstiterit, turpe est *arti & indecorum medico pacisci cum ægro*, aut certum pretium pro cura absolutâ aut saltem pro una medicaminis formulâ præscriptâ postulare. Satis ab idoneo auctore mihi relatum est, quod *ditissimus Practicus* pro quovis *℞*. etiam si sordidius saltem *jusculum* dederit, *quadrantem imperialis* sine rubore flagitaverit, & si quis ex arctiori crumena *quatuor vel quinque grosses* tantum numeravit, iste *medicus suum ℞. retraxerit*, nec citius sollicitanti reddiderit, donec dicta pecunia numerata fuerit, quo plures, uti facilis conjecturæ, inter *gemitus & lachrymas* abiire dolentes, quod expcuniarum defectu *domesticum suum ægrum* juvare nequeant. Quicunque hic magnus fuerit *Practicus*, est tamen utique in hoc casu satis *monstruosus*. Hic candido animo celebrare possum famigeratissimum WEDELIUM *Præceptorem* ac *Patronum* meum perpetuo obsequio magnificiendum, qui nunquam quempiam consilio ac medicamentis cassum abire jussit, etiam si ipse sæpe cassus pretio relictus fuerit. Idem encomium & celeberrimo VOLCAMERO constituendum, qui non solum ab *angustioris fortunæ* hominibus nihil pretii etiam si iteratis vicibus oblatus cepit, sed insuper, si *paupertas* constiterit, cum consilio simul eleemosynam addidit. EXCELL.DDr.PRÆSES, *Patronus* ac Promotor æternum obser-

D 3

van-



vandus eâdem famâ celebratur insigniter. Sicut enim ex omni parte severus *medicæ autoritatis* cultor ac defensor est, ita & hîc solertissimum ac studiosissimum se præstat, præprimis cum hætenus inter *militum copias* frequentior fuerit, perpetuam meritis est laudem, dum *militi gregario* gratis auxilium non abnegavit, *duci v. ac centurioni* pretio non postulato præstitit. Horum Celeber. *Virorum M. dicorumque cordatiorum* mores omnes sectarentur *monstrosi*, qui quocunque turpiori quæstu, rigorosâque levioris pecuniæ postulatione *artem* ejusque *ministros* adeo infensos odiososque constituunt.

Qui certo in loco praxi vacat, præ omnibus *pharmacopœan*, si ipse non dispensaverit, frequentet, tam *simplicia*, quàm *composita* revideat, examinet ac percontetur; sed quorsum *monstrosus*? abhorrent plures *medicam* adire *officinam* ex metu, ne quidpiam quæratur, *cerebro* ipsorû quod impar, geriusq; sublimior comprehendere nequeat. Ex una parte beæ quidem sibi suæq; famæ consulunt, dum nempe sæpius inter labores ac præparationes *medicaminum* dubia quædam observatio occurrit, ad quam resolvendam DDr. si adesset, obstringeretur, sed cum ne sirup. uti nî fallor supra dictum, coquere novit, quid de iis, quæ *altioris* sunt *indaginis*, futurum? Dein fugiunt quoque *pharmacopœam*, ne in *formulis* præscriptis *errores* commissos videre atque audire cogantur, satis enim *monstroræ* sæpius scribuntur *formula* v. gr. præscribitur *decoctum*, sed fit *pulmentum*, *julepus* & fit crassiusculus *sirupus*, *emulsio* & addi jubentur *acida*, *sudoriferum* & admiscendum *αρωματίζον c. impetu purgans*, *aqua c. Oleis* & *bal-samis* miscenda, quod *absolutè* non succedit, *emplastr.* & *catapl.* sine corpore pro consistentia, *linimentum* & manet *Oleum*, *unguent.* & fit *emplastr.* hæc & alia in dies eveniunt, quæ tamen volunt urgeri à *pharmacopœis* merâ ex modestia. De *specificis* vulgò miscendis nil memorandum, quicquid menti succurrit,





rit, conscribitur, ac sæpius in uno tali *medicamine*, *stomachica*,  
*hepatica*, *cordialia*, *uterina*, *cephalica* (si ita loqui licet) sique  
non rarò è diametro invicem pughantia componuntur. Quid  
frequentius evenit, quàm in *essentiis*, *tinctur.* & *ribus* con-  
scribendis invicem *effervescentia*, *præcipitantia* ac *immiscibi-*  
*lia* combinare velle, quod utique *monstrofi* & *ignorantis* est  
*medici*. Ægro promittitur *potio rubicunda*, sed ad præceptum  
præparata *flavescit*, *nigrescit*, *pulv. albicans* sed mixtus *rube-*  
*scit*, *bolus* vel *morsuli* suaviores, sed dati *nauseabundi* &c. quo  
*egri fiducia* minuitur, *pharmacopœus* erroris accusatur, cum  
sola tamen *ignorantia* in culpa sit, qua talis *monstrosus*, quid  
misceri aut quid non possit, aut quæ *commutationes* ex his at-  
que illis commixtis colorum inducantur, addiscere recusat.  
Et isti *monstrofi*, cum ipsi in hisce deficient, volunt ut & alii  
iisdem destituti sint, hinc prohibere, hinc claudere tentant  
aditum *artis medicæ studiosis* in publicam *pharmacopœam*,  
ut quid ibi geratur, nil videant, nil discant, sicut ruper & mi-  
hi ipsi simile quid evenit, sed quod eo non adeo offensus  
fuerim, causa est, quod iste *monstrosus* siccioris sit cerebri,  
nec semper perfectæ rationis compos sit. Aliosejusdem lo-  
ci modestissimos, mihi in hoc negotio faventes *medicos*  
publico excipio encomio, fores enim semper benevolè mi-  
hi aperuere. Honorificâ quoque recolo memoriâ *politissi-*  
*mî* cujusdam illius loci *pharmacopœi* modestiam, cujus offic-  
nam ex omni parte rite ac perfectè adornatam insigni cum  
officiorum promptitudine per biennium ferè alire licuit.  
Quicumque in *consiliis*, *rebusque suis* solidus certisque fuerit,  
illum non pudebit studii, sui que laboris, sed talis *monstrosus*  
in consiliis *præceptis*, & in actionibus *periculosus* sua ab aliorum  
oculis *molimina* meritò abscondit: Accidit enim, ut talis *arti-*  
*fex* præscribat *arcanum*, quod juvat *simul* & *semel*, sed puto *ad*  
*mortem*, quod utique non profanandum est, tale *arcanum*  
fortè





forte fit, si *Ol. hyoscyam.* 3ß *Ol. succin.* 9ß, *Ol. sarvin. myrrh.* nescio quot gutt. invicem mixta pro una *dosi* & *tribus vicibus* reiteranda internè dentur, hæc forte dubio procul primavice tantum præstitère, ut secundâ minusve tertiâ opus non fuerit. Et qui ita *monstrosè* procedunt, sunt forte illi ipsi, qui sua communicare recusant, quasi insignia *in-venta* pro morbis tollendis præstò sint, sed *caveat DEUS*, ne quispiam talia *absurda* imitanda eligat.

Ad morbum enucleandum cum perventum fuerit, *monstrosa* creberrime quoque proferuntur & plerumque sicut in cognoscendo morbo vera ejus causa rarius inquiritur, sed saltem ex *producto* ejus seu *symptomate* sermo superficialius instituitur, ita & in eodem curando *eadem* linquitur *intacta* *syntoma* laceffitur & impugnatur, sicque dolor & inflammatio ex *festuca infixa* orta curatur, *festucâ* tanquam omnis mali origine prorsus *intactâ* relictâ. Sunt itaque illi, qui ita procedunt, merè *symptomati*ci ac *superficiarii* medici, qui in rei essentiam penetrare vix sustinent. Cum tamen sæpius de morbi statu ac causâ differatur oportet, à multis certum constituitur *asylum*, nescio, ad quam virtutem salvandam; ad illud refugium, cum in angustias de *nati-va* morbi *minera* explicanda redacti fuerint. *Usitata*iora, magis nota hætenus fuere & adhuc sunt: *Passio hypochondriacâ*; *Obstructio venarum mesaraicarum*; *Stomachus Gas sylvestre* seu vapores crudiores versus pectus ac caput excludens, *catharrus* in humeris, lumbis, femore ac pedibus, *scorbutus* item *acidus* & *salinus*, hæc & alia refugia inserviunt *monstrosorum medicorum* scientiæ tutiori in vado locandæ. Hosce & alios *affectus* ludibrio neutiquam habeo, multo minus pro non *Entibus* temere proclamo, agnosco & ipsos ipsemet, hoc saltem innuo, quod *unus ex hisce* non omnium quorumcunque ob-viorum morborum essentiam ac causas explicet, & quod *monstrosus* sit ille *medicus*, qui cum



E

putent





putent) *peſtoralis*, vel *eclegma demulcens* pro *pulmone* præſcribatur, conſentientibus omnibus, conſentit & ipſe, & ſcribi medicamen pro *peſtore*, dum patitur *uterus*.

Interea quomodo curatur *agra*, proſecto *monſtroſè* & ſæpius magis ad augendum quàm levandum malum juvat tale *monſtrum medicinae*. Eadem *comædia*, ex qua v. ſæpius *tragædia*, agitur in omnis generis morbis, præprimis v. in morbis *infantum* ac *puerperarum* ante, in, & poſt partum exortis, in quibus *mulieres* abſolutè ſapientiores quovis *medico*, omnemque ſcientiam in ſimilibus hauſiſſe falſò ſibi imaginantur, ſed *vir effæctus* & *medicus imberbis* ſubit imperium mulierum & credulus eſt quibuſcunque in abſurdis, hinc *abſurdus monſtroſusque* & ipſe in fine neceſſario conſtituitur, ſiniſtrè judicant *mulieres*, inde ad earum iudicium quodcunque deciſum cedit ſiniſtrè.

*Favor* in ſimiles homines ſemper *intempeſti-vus* ac *noxius* eſt, eò ipſo enim multum gloriæ atque autoritatis arti ejusque legitimis *miniſtris* demitur. Maximè culpandus eſt iſte favor, ſi impenditur à *medico* in homines, quibus minimè debetur, ut cum à *ſuſpectis virginibus* nimis fortia & ferè *brutalia* expetantur *purgantia* vel *menſes moventia*, vel manifeſtè pro *ſextu* immaturo pellendo ſollicitetur *medicus*; in talibus, quæ conſcientiam feriunt, nihil favendum, nec *amicitia*, nec *conſanguinitas*, nec *fraternitas* quicquam hîc valeant, nil moveant magna *promiſſa*, pretia aut *honores*, utrumque poſtea peſſundatur. Proinde cautè ac circumspectè *Gynæceum* ingrediariſ, plurimum enim infortunii ex eodem in *medicum* redire poteſt. De fallaci *Gynæceo* in *medicos*, deque tutiori via illud adeundi conſcripſi nuper paginas quasdam, *Norimbergæ* cum adhuc degerem, ſed cum nimis feſtinanter abhinc diſceſſerim, ſupellectili potiffimam partem relictâ, dictum *Gynæceum fallax in medicos* hâc vice loco exercitii publici pro-  
dere



dere non potui, reservabitur tempori faventiori. Hæc res non est de nihilo, providissimus etiam *medicus* in hoc negotio decipi & exinde periclitari potest, uti brevi abhinc sane celebriori ac optimo *medico* tale obtigit fatum, quo facile insons ab omni honore ac famâ dejectus fuisset, nisi aliorum *celeberrimorum virorum* intercessione maturè vindicatus fuerit. Quomodo itaque sibi cavebunt illi, qui temere sordidis istis negotiis student, *medici* enim semper est, *vitam hominis* servare quacunque viâ, eandem v. studio ac consilio extinguere, *carnificis* & *medici monstri*; ex improvise sæpius petit sub nostrâ curâ homo, *vix opus habemus studio ad simile tendere*.


In propinandis *medicamentis*, personis quoad opes non consideratis, crebrius quoque *medicus* se fingit monstrosum, *Principi* & *rustico* non idem offerendum poculum *utrique enim non convenit idem*. Certissimum est, quod sæpius *rusticum*, cum animo delinquatur, *acetum* aut *stercus suillum recens fragransque* æque cito ac forte citius, ac si ipsius naribus *spirituosior aqua apoplectica* aut *sua veolentius balsamum* admoveatur, suscitetur ac juvet. *Pauperes* à ditioribus probe hîc sunt discernendi, *canon* hic firmus est: *Viliora inter pauperes idem præstant ac pretiosa inter principes, modificante medico perito*. Hîc v. multum peccatur & præscribitur *plebejo* & fortiori *rustico* æque *Corn. Cer. v. aurat. s. c. calc. ☉ parat. magist. perlar. gallia mosch. confect. alkerm. pretiosa essent. ambr. tinct. ☉* ad 3j & ultra cum *acidulis* haurienda aliaque carioris pretii ac hominibus naturæ delicatioris & crumenæ ponderosioris. Hæc pretiosa constituunt extremum more recepto *agonizantibus viaticum* & qui *medicus* videri vult, quasi jam omnia fecisset, quæcunque *arti* possibilia fuerunt, præscribit talia *magisteria maximo solvendæ pretio*, sed quàm *præposterè* ac *deceptuosè* agatur, luce meridiana clarius est. Sunt talia *magisteria cordialia calces, corporaque mortua ac fixa*, quæ à





debiliori retrocedente moribundorum calore minus in a-  
 ctum deduci queunt. Hic magis mihi placerent penetran-  
 tissima *Sal. volat.* ut *Ol. succin.* reſtificatiſſ. ejusd. *Sal. volat. Ol.*  
*fuligin.* & ~ ejusdem cum *Sal. volat. Corn. Cerv.* probe reſti-  
 fic. ac imprægnata. *Sal. volat. Oleoſ. Sylv.* cum *Sal. vol. suc-*  
*cin.* acuatum, *talia cor jam flacceſcens ſemel adhuc movere valent.*  
 Sed cum jam diſcurſus forte excurrerit ad ea, quæ circa mo-  
 ribundum eveniunt, retrocedere haud ſuſtinebo, quamvis  
 plura adhuc circa *ancipitem ægri ſtatum* evolventa reſtent. Di-  
 mitto jam *medicum monſtroſum*, exoptans unicè, ut cum mo-  
 ribundis moriatur omne in *medicina monſtroſum*, quo poſthæc  
 ea ipſa excultores ac præſides videat ſaniores, candidiores.

Sit NUMINI benigno, quod cœpta hæc uſque huc ſecunda-  
 re voluerit, æternus honor, lausque peren-  
 nis ſancita in ſecula.



**T**E ſolidi docuit *Sophie Meditrina Chemia*;  
 Propterea *Medicus* non potes eſſe malus.


Φιλίας ἔνεκα f.

Revera doctiſſimo Dn. Cand. Dn. Amico atque  
 Conterr. honorat,

J. G. Dœlerus, J. C.


FINIS.

























005644071



